

Գ. Ա. ՏԻՐԱՅՅԱՆ

Աքեմենյան Իրանը եզրափակում է հին արևելյան երկրների մշակութային զարգացման մի կարևոր փուլը, իր մեջ ամփոփելով այդ բնագավառում ձևաբերված նվաճումներից շատերը։ Այս հանգամանքը առաջացրեց հին պարսկական արվեստի ծագման և բազմազան մասերի հարցը։ Որոշ հետազոտողներ գտնում են, որ Աքեմենյանների ժամանակաշրջանի իրանական արվեստը նախորդ մշակույթների տարրերից արհեստական միասնություն կազմող մի երեւույթ է, ուրիշների կարծիքով՝ ազդեցություններից բավականին զերծ մնացած, զտարյուն մի մարմին։ Իրավացի են նրանք, որոնք առանց ժխտելու հին իրանական արվեստի և նյութական մշակույթի ինքնուրույնությունն ու ստեղծագործական կարողությունները, վեր են հանում դրանց ձևավորմանը մասնակից դարձած մի շարք մշակույթների ներդրումները։ Այս կապակցությամբ հիշատակվում է ասսուրա-բաբելացիների, եգիպտացիների, հույների վաստակը։ Գնալով ավելի մեծ դեր է վերագրվում Իրանական սարահարթի նախաիրանական քաղաքակրթություններին։ Վերջին տասնամյակներում հաճախակի նշվում է նաև Ուրարտուն՝ որպես հնարավոր մասնակիցներից մեկը աքեմենյան ժամանակաշրջանի իրանական մշակույթի կազմավորման գործում։

Ուրարտական կենտրոնների պեղումները Սովետական Հայաստանում, հնագիտական նորանոր նյութերի հայտնաբերումը, հրատարակումը և ուսումնասիրությունը հնարավոր են դարձնում էլ ավելի հաստատուն հիմքերի վրա դնել քննարկվող պրոբլեմը։ Իհարկե, վերջնականապես հաստատված ու ստուգված են ուրարտա-իրանական ոչ բոլոր նմանություններն ու զուգահեռները։ Բացի դրանից մնում են մի շարք ընդհանրություններ ևս, որոնց կողքով անցնել հնարավոր չէ և որոնք իրենց բացատրությունն են պահանջում։

Այս հարցերի հետ կապված հիմնական դժվարությունները պայմանավորված են Ուրարտուի և նրա ժամանակակից ու հարևան պետության՝ Ասորեստանի արվեստի ու նյութական կուլտուրայի մի քանի երևույթների նմանությամբ, որի հետևանքով ընդունված է իրանական մշակույթի որոշ նախատիպերը որոնելիս նախապատվությունը տալ Ասորեստանին։ Սա ավանդական մոտեցումն է։ Ուրարտական մշակույթի տեսակարար կշիռը, սակայն, անընդհատ աճում է և նրա ճարտարապետության, շինարարական տեխնիկայի, կիրառական արվեստի, հատկապես մետաղագործության ու խեցագործության առաջատար նշանակությունը դժվար է այլևս անտեսել։ Ուրարտական ժառանգության դրսևորումները աֆեմենյան մշակույթի մեջ նպատակահարմար է խմբավորել ըստ թեմաների։

Այդ գրսևորումները հատկապես ակնառու են նարտաբալետույթյան և շինարարական տեխնիկայի բնագավառում: Կարմիր-բլուրի միջնաբերդի պե-

ղումները ցույց են տալիս, որ ուրարտական ճարտարապետության հատակագծային կոմպոզիցիայի համար մասամբ բնորոշ են նեղ և երկար սենյակները¹։ Սակայն վերջին տարիներին, հատկապես Արին-բերդում, ինչպես և Կարմիր-բլուրի քաղաքային թաղամասում կատարված աշխատանքներից երևում է, որ ուրարտական ճարտարապետությանը խորթ չէին նաև սյունազարդ սենյակները։ Այդ մասին կարելի էր կոահել դատելով մի շարք այնպիսի տվյալներից, ինչպիսիք են՝ սյան տարրեր մասերի մնացորդները (Արմավիր, Արին-բերդ, Տաշրուրուն)², սյունաշարքի գոյությունը տաճարական շենքերի շուրջը (գուցե Մուսասիր և Ալթրն-թեփե)³, սյունազարդ նախասրահ (Արին-բերդ, Խալդի տաճար)⁴, սյունազարդ ներքին բակը (14 սյունանոց, Արին-բերդ)⁵ և հատկապես Թելչերաինի բնակելի տների սենյակների ծածկերը կամ բակերի կիսածածկերը կրող սյուների քարե խարսխները⁶։ Այժմ, սակայն, մենք ունենք արդեն ուրարտական սյունազարդ սենյակների ավարտված ձևեր։

Արին-բերդի պալատական կոմպլեքսում բացվել է մի դահլիճ, որի ընդերկայնական առանցքի վրա դրված երեք խարսխների վրա բարձրացող փայտե սյուները կրում էին սենյակի ծածկը։ Այս տեսակետից սյունավոր այս սենյակը նման է Արին-բերդի Խալդի տաճարի երկարավուն սենյակին, որի ընդերկայնական առանցքի վրա, պեղողի կարծիքով, ծածկը կրող սյուներ պիտի եղած լինեին⁷։

Կարմիր-բլուրի քաղաքային թաղամասում 1961 թ. բացված մեծ շենքում կան սենյակներ չորսական սյուներով⁸, որոնց նմանները շատ են հանդիպում Արևմենյանների մայրաքաղաք Պերսեպոլիսում, հատկապես նրա կանանոցում։

Վերջապես, ուրարտական պետության հյուսիս-արևմտյան հատվածում տեղադրված Արգիշտի 11-ի ամրոցում բացվել է սյունազարդ մի մեծ դահլիճ (45մ×29մ)՝ վեցական սյուների երեք շարքով⁹։

Ինչպես հայտնի է, տարրեր տեսակի սյունազարդ դահլիճներին և սենյակներին նշանակալից դեր էր հատկացված արևմենյան ճարտարապետության մեջ։ Նրանց ծագումը որոնելիս հաճախ դիմում են եգիպտական հուշարձաններին։ Հնագիտական պեղումները ցույց են տալիս, սակայն, որ անհրաժեշտ է վերանայել այս տեսակետը և հաշվի նստել ուրարտական նյութերի հետ¹⁰, մանավանդ որ սյունազարդ դահլիճի բավականին զարգացած մի ձև (5×5

¹ Б. Б. Пиотровский, Искусство Урарту, Ленинград, 1962, № 5; К. Л. Оганесян, Архитектура Тейшебани (Кармир-блур, IV), Ереван, 1955, էջ 64.

² Б. Б. Пиотровский, Ванское царство, Москва, 1959, էջ 201 և К. Л. Оганесян, № 4, աշխ., էջ 6.

³ M. Mellink, Archaeology in Asia Minor, American Journal of Archaeology, 66, 1962, էջ 181.

⁴ К. Л. Оганесян, Архитектура Эребуни (Арин-берд, I), Ереван, 1961, № 25a, 256, 27.

⁵ Նույն տեղում, № 3, 4, 10.

⁶ К. Л. Оганесян, Архитектура Тейшебани (Кармир-блур, IV), էջ 23, 27, 28, 29, № 11, 12.

⁷ К. Л. Оганесян, Архитектура Эребуни (Арин-берд, I), Ереван, 1961, էջ 53 և № 3, 4, 19.

⁸ А. А. Мартиросян, Новые данные по истории города Тейшебани, «Պատմա-բանասիրական հանդես», 1963, № 3, էջ 222.

⁹ M. Mellink, № 4, աշխ., էջ 181—182.

¹⁰ К. Л. Оганесян, № 4, աշխ., էջ 84 և հետ.

սյուններով) հայտնի է ուրարտական մշակույթի հետ աղերսվող խեթական աշխարհում՝ Բողասրյոյում¹¹։

Ուրարտական ճարտարապետության ինքնատիպ ասպեկտն են բացահայտում ժայռափոր շինությունները, որոնք հանդիպում են պետության տարբեր վայրերում։ Նկարագրելով Շամիրամ թագուհու շինարարական գործունեությունը՝ Վանում, Մովսես Խորենացին գրում է. «Իսկ զրնդդէմ արեգական կողմն անձաւին, ուր և ոչ գիծ մի երկաթով ալծմ վերագրել ոք կարէ, զայսպիսի կարծրութիւն նիւթոյ պէս պէս տաճարս և սենեակս օթից և տունս դանձուց և վիհս երկարս, ոչ գիտէ ոք, թէ որպիսեաց իրաց պատրաստութիւն հրաշակերտեաց» (Ա, ԺԶ)։

Ուրարտական վիմափոր ճարտարապետությունը ներկայացված է բազմաթիվ խորշերով՝ այսպես կոչված դռներով և առանձնապես ամբողջական կոմպլեքսների մեջ խմբավորված սենյակաձև արհեստական քարայրներով¹²։ Նման հուշարձաններով հատկապես հարուստ է Վանի ժայռը։ Կարծրաքար ժայռերի մեջ մեծ վարպետությամբ փորված այս շինություններից ուսումնասիրողներն ուղղակի կամուրջ են գցում դեպի իրանական վիմափոր հանրահայտ դամբարանները¹³, որոնք աչքի են ընկնում նաև իրենց ձևավորված ճակատներով ու մուտքերով, մարականները (Կրդ-կապան, Ֆահրիկա, Դուքանի-դաուդ) ավելի պարզ և նախնական, արեմենյանները (Նակշ-ի-ռուստեմ)՝ զարգացած տեսքով։ Այս կապակցությամբ պետք է նշել, որ ուրարտական վիմափոր հուշարձանները ևս մշակված մուտքեր և ճակատներ ունեն, երբեմն՝ պարզ հարթեցված, հաճախ՝ դռան կամ կամարակապ խորշի ձևի, ժայռի մեջ փորված աստիճաններով ու ելուստավոր քիվով¹⁴։

Ուրարտական արհեստական քարայրների զգալի մասը, ինչպես և իրանական ազգակից հուշարձանները, վիմափոր դամբարաններ են համարվում¹⁵։ Նմանօրինակ ընդհանրությունը ևս կարող է նպաստել իրանական խմբի ծագումնաբանական հարցերի պարզաբանմանը։

Իրանի հարավում՝ Խուզիստանում, հայտնաբերվել է մի հուշարձան, որին մեծ նշանակություն է վերագրվում ուրարտա-իրանական ճարտարապետական առնչությունների տեսակետից։ Այս հուշարձանը, որը հայտնի է Մասիդ-ի-սուլեյման անունով, մի հարթակ է՝ պարսպապատերի և տարբեր շինությունների հետքերով։ Իր մի մասով այն հենված է բլրի լանջին, մյուս մասը կազմված է շարված քարերից։ Այս կառույցը, որը Իրանում եղած նույնօրինակ կառույցներից վաղագույնն է, պրոֆ. Իրրշմանի կարծիքով որոշակի ընդհանրություններ ունի ուրարտական ճարտարապետության հետ¹⁶։ Եվ իսկապես, վերջինս հուշակված է զանազան բնույթի և նշանակության հարթակաձև (տերրասաձև) քարե շինություններով, որոնք վկայում են ուրարտացիների կառուցողական արտակարգ ունակությունների մասին։

¹¹ R. Naumann, Architektur Kleinasiens, Tübingen, 1955.

¹² Б. Б. Пиотровский, Ванское царство, Москва, 1959, էջ 207--219։

¹³ Նույնի История и культура Урарту, Ереван, 1944, էջ 270։

¹⁴ Նույնի Ванское царство, 1959, էջ 208, 209, 213։

¹⁵ Նույն տեղում, էջ 216--218։

¹⁶ R. Ghirshman, Masjid-i-Soleiman, residence des premieres achéménides, Syria, հատ. XXVII, 6, 3--4, էջ 204 և հա. և Նույնի, La civilisation achéménide et l'Urartu, էջ 88--89։

Այդպիսի արհեստական հարթակներ ստեղծվում էին բլուրների լանջերին՝ ուրարտական ամրոցների օգտակար տարածությունը մեծացնելու նպատակով։ Ակադ. Օրբելին թողել է Հայկարերդի ուրարտական ամրոցի արհեստական հարթակների նկարագրությունը, որից երևում է, թե քարային և հողային ինչ մեծ աշխատանքներ էին անհրաժեշտ դրանք կառուցելու համար¹⁷։

Արհեստական հարթակներ էին պատրաստվում նաև մշակելի անհրաժեշտ տարածությունների համար։ Արձանագրություններից հայտնի է, օրինակ, որ Մենուայի աղջկա՝ Թարիրիայի համար Վանից ոչ հեռու տնկված էր խաղողի այգի հատուկ բարձրացված արհեստական հարթակի վրա (70×18մ)¹⁸։

Վերջապես, զգալի տարածություններ էին հարթեցվում ժայռերի վրա կամ տարրեր նպատակների համար հարթակներ էին կառուցվում ամրոցների պարսպապատերի երկարությամբ¹⁹։

Իր այլ հատկանիշներով ևս Մասջիդ-ի-սուլեյմանի հուշարձանը հետաքրքրություն է ներկայացնում։ Հարթակը, պարսպապատով և կոնտրֆորտներով հանդերձ, կառուցված է հսկա շափեր ունեցող և ավելի փոքր քարերից, որոնց

երեսի մասերը հարթեցված են։ Քարերն իրար վրա շարված են առանց կապակցող նյութի՝ շաղախի գործածությամբ²⁰ (նկ. 1)։

Հնագույն շրջանում քարի մշակումը Իրանական սարահարթում գտնվում էր ցածր աստիճանի վրա, և այդ է պատճառը, որ հետադոտողները իրանական քարե վաղ շինություններին ծանոթանալիս կամ քարի մշակման տեխնիկայի ակունքները որոնելիս իրենց հայացքներն ուղղում են դեպի Հայկական լեռնաշխարհը²¹։ Եվ իսկապես, Հայկական լեռնաշխարհի կիկլոպյան և ուրարտական բազմաթիվ ամրոցներն ու բերդերը ունեն նման տեխնիկայով կառուցված պարսպապատեր։ Այս կա-



I

նկ. 1

պակցությամբ կարևոր է նշել նաև, որ քարի մշակման ավելի զարգացած ձևը՝ «ռուստովկան» (երբ վեմի եզրերը ժապավենաձև հարթեցված են) հանդիպում է ինչպես Ուրարտուում (Թոփրախ-կալեի տաճար), նույնպես և Իրանում (Պասարգադայի հարթակ)²²։

Պրոֆ. Գիրշմանի կարծիքով, իրանական ցեղերը, որոնք ժամանակին ապրում էին Իրանի հյուսիս-արևմուտքում, Ուրմիա լճի շրջակայքում, ուրարտական հուշարձանների հարևանության պայմաններում կարող էին յուրաց-

¹⁷ „Археологическая экспедиция 1916 г. в Ван“. Доклады Н. Марра и И. Орбели, Петроград, 1922, էջ 10։

¹⁸ Б. Б. Пиотровский, Ванское царство, Москва, 1959, էջ 143—144։

¹⁹ К. Л. Оганесян, նշվ. աշխ., էջ 17, 22։

²⁰ R. Ghirshman, նշվ. աշխ., էջ 208։

²¹ Նույն տեղում, էջ 210, 211, 215։

²² R. D. Barnett, Persepolis I, Iraq, XIX, 1, 1957, էջ 74։

րած և ընդօրինակած լինել ուրարտացիների շինարարական սկզբունքները իրենց վաղագույն նստավայրերը կառուցելիս²³։ Ուրարտական և իրանական ճարտարապետության զուգահեռ ուսումնասիրումը, հատկապես հնագիտական նորագույն արդյունքների լույսի տակ (Կարմիր-բլուր, Ալթրն-Քեփե), էլ ավելի է ընդարձակում նմանօրինակ որոշակի աղբյուրների բացահայտման հնարավորությունները։

Այժմ, ի տարբերություն վերևում հիշատակված օրինակների, կարելի է մատնանշել իրանական կոնկրետ հուշարձաններ, որոնց բազմաթիվ առանձնահատկությունները հնարավոր է բխեցնել որոշակիորեն թվագրվող ուրարտական նյութերից։ Պարսկական հին մայրաքաղաքում՝ Պասարգադայում և Աքեմենյան թագավորների վիմափոր դամբարանավայրում՝ Նակշ-ի-ռուստեմում պահպանվել է աշտարակաձև երկու շինություն։ Զինգան-ի-սուլեյմանը՝ ավերված վիճակում և Կաաբա-ի-զարդուշդը՝ կանգուն²⁴։ Հստ հատակագծերի այս աշտարակները քառակուսիներ են՝ ելուստավոր անկյուններով²⁵ (նկ. 2, 4)։ Արտաքինից նրանք եռահարկ շենքի տպավորություն են թողնում, քանի որ, բացառությամբ մուտքի կողմի, պատերը զարդարված են երեք շարք կազմող երկուական պատուհաններով (նկ. 3, 4)։ Քարե աստիճանով կարելի էր բարձրանալ և մտնել աշտարակի վերևի մասում տեղադրված միակ փոքր սենյակը։ Աշտարակաձև այս շենքերի ստույգ բնույթի ու նշանակության մասին գիտնականները դեռևս համաձայնության չեն եկել։ Նրանց մի մասը կարծում է, որ այդ շենքերը կառուցվել են որպես դամբարաններ, ըստ ուրիշների (և այս կարծիքը գնալով ավելի լայն տարածում է գտնում) դրանք եղել են կրակի տաճարներ²⁶։

Աքեմենյան ճարտարապետության մեջ եզակի այս շինությունները ուրարտական հուշարձանների հետ կապակցելու փորձը վաղուց է արված²⁷։ Այժմ, երբ նոր նյութեր են ի հայտ եկել, հնարավորություն է ստեղծվել այս հարցը քննել իր ամբողջության մեջ, հաշվի առնելով ինչպես արտաքին տեսքն ու հարդարման եղանակները, այնպես էլ ծածկի ու հատակագծի առանձնահատկությունները։ Եթե սկսենք վերջինից, ապա կտեսնենք, որ ուրարտական մի քանի հուշարձանների և իրանական աշտարակաձև շինությունների հատակագծերի միջև մեծ նմանություն կա, որը կուտակվող նոր նյութերի առկայության պայմաններում այլևս պատահական համարել չի կարելի։ Ինչուս Բարնետն է ուշադրություն հրավիրել Կարմիր-բլուրի բազալտե աշտարակների վրա, որպես իրանական հուշարձանների հնարավոր նախատիպերի²⁸։ Այդ աշտարակները, որոնք օժտված են ելուստավոր անկյուններով, ունեցել են կառուցողական նշանակություն և որպես մույթեր կրել են երկրորդ հարկը²⁹ (նկ. 2, 3)։

²³ R. Ghirshman, նշվ. աշխ., էջ 215։ Նույնի, La civilisation achéménide et l'Urartu, էջ 83—86։

²⁴ E. Schmidt, Persepolis, I, Chicago, 1953, նկ. 41 B.


²⁵ F. Sarre, E. Herzfeld, Iranische Felsreliefs, Berlin, 1900, նկ. 1։

²⁶ H. H. von der Osten, Die Welt der Perser, Stuttgart, 1956, էջ 86։

²⁷ E. Herzfeld, Archaeological history of Iran, London, 1935, էջ 33։

²⁸ R. D. Barnett, նշվ. աշխ., էջ 74։

²⁹ К. Л. Оганесян, Архитектура Тейшебани (Карм.-блур, IV), նկ. 38, 39, էջ 98 (հատակագիծը հրատարակված չէ)։



Նկ. 2

Երզնկայից ոչ հեռու, դեպի Էրզրում տանող ճանապարհի վրա, Ալթըն-թեփե կոչվող բարձունքի պեղումները հայտնաբերեցին ուրարտական մի կենտրոն, Արգիշտի II-ի (713—680) ամրոցը՝ պարսպապատով, դամբարաններով և կոթողներով, դադաթին՝ շենքերի, այդ թվում տաճարի հետքերով։ Սրա պատերի ներքևի շարքերը քարից են, վերևի մասը՝ շերտաված աղյուսից։ Մուտքը հարավից մի նրբանցքով հաղորդակցվում է պաշտամունքային քառակուսի մի սենյակի հետ, որի հյուսիսային պատի տակ տեղադրված է զոհասեղանը՝ մի շարք նվիրատվություններով, այդ թվում՝ բրոնզե և երկաթե նիզակի ծայրեր³⁰։ Շատ հետաքրքրական է այն հանգամանքը, որ շենքը չորս կողմից շրջապատված է սյունաշարերով։ Սակայն առայժմ դժվար է որոշակիորեն պնդել այդ սյունաշարերի և տաճարի բուն շենքի միջև կոնստրուկտիվ կապերի գոյության մասին, քանի որ թվում է, թե սյունաշարերը կողմնորոշված է դեպի իրեն գոյ-

³⁰ Tahsin Özgüç, Excavations at Altintepe, Türk Tarih Kurumu Belleten, XXV, № 98, 1961, էջ 278—279։

դահլու ձգվող և ամբողջ այս կոմպլեքսը արտաքինից եզրափակող պատերը³¹։

Հատկապես կարևոր է Ալթրն-թեփեի տաճարի բուն շենքի հատակագիծը (առանց սյունաշարքի)։ այն դրսևորում է մեզ հայտնի այնպիսի առանձնահատկություններ, որոնք մի կողմից աղերսվում են Կարմիր-բլուրի ուրարտական աշտարակների, իսկ մյուս կողմից՝ բնությունն առնվող իրանական հուշարձանների հետ։ Ըստ հատակագծի՝ տաճարը առանց սյունաշարքի կազմում է մի քառակուսի (13,90×13,90մ)։ պատի արտաքին երեսից դուրս ցցվող ելուստավոր անկյուններով, որոնք նրան հաղորդում են աշտարակաձև բնույթ³² (նկ. 2, 2)։

Ալթրն-թեփեի այս հուշարձանին ծանոթանալուց հետո, հնարավոր է դառնում առանձնացնել ուրարտական նույնատիպ տաճարների մի խումբ, քանի որ անցյալ դարում պեղված Թոփրախ-կալեի տաճարը³³ և Արճեշից հյուսիս՝ Պատնոցի մոտ Աղնավուր-թեփեի վրա գտնվող տաճարի³⁴ մնացորդները նույն հատակագիծն ունեն։

Ուրարտական նմանօրինակ հատակագծով շինությունների մասին մեր պատկերացումները կարելի է բնդլայնել նաև այլ բնագավառից բերված օրինակներով։ Հայաստանի պատմական թանգարանում պահվում է Կարմիր-բլուրից գտնված ուրարտական աշտարակի ոսկրե մի փոքրիկ մոդել, որը նույնպես պատկերված է բնորոշ ելուստավոր անկյուններով³⁵ (նկ. 3, 3)։ Ըստ երևվույթի սրանք նշված են նաև Բրիտանական թանգարանում պահվող ուրարտական բրոնզե աշտարակի մոդելի վրա³⁶ (նկ. 3, 1)։

Ինչպես տեսնում ենք, համեմատական նյութի առատությունը ցույց է տալիս, որ ուրարտական ճարտարապետության մեջ ձևավորվել էր աշտարակաձև շենքի կայուն մի տիպ՝ բնորոշ հատակագծով։ Սրա նախնական, չավարտված ձևը պետք է համարել ուրարտական քաղաքների և ամրոցների պարսպապատերի սիստեմի մեջ մտնող աշտարակները, որոնք ունեն պաշտպանողական բնույթ, թեև արտաքին հարթությունները դուրկ չեն որոշ ղեկորատիվությունից³⁷։ Աշտարակաձև շինությունը պարսպապատից առանձնացած, բայց ամրության խորհրդանշան կրող ինքնուրույն մի միավոր է։ Ինքնուրույնացման այս պրոցեսին օժանդակում է այն հանգամանքը, որ ի բնե աշտարակը յուրահատուկ տեղ է դրավում պարսպի ճարտարապետության մեջ։ Եթե աշտարակը համատարած շարվածք չէ, ապա այն օժտված է ծածկով, ունի պատուհաններ, իսկ ներսում սենյակներ, մի խոսքով՝ գտնվում է թեկուզ և ամրացված, բայց ինքնուրույն շենքի վերածվելու ճանապարհին։ Այդ պատճառով հնարավոր է, որ բրոնզից և ոսկրից պատրաստված ուրարտական աշտարակների մոդելները պատկերում են ինքնուրույն ամրացված շինություններ, որոնք չեն մտնում պարսպային սիստեմի մեջ։ Այդ ղեկավարում սրանք բնակելի շենքեր են, ինչպի-

³¹ Նույն տեղում և M. Mellink, նշվ. աշխ., էջ 181։

³² Tahsin O z g u c, նշվ. աշխ., նկ. 4։


³³ Afif Erzen, Untersuchungen in der Urartäischen Stadt Toprakkale bei Van in den Jahren 1959—1962, Archäologischer Anzeiger, 1962, H. 2, նկ. 12։

³⁴ Yusuf Boysal, Ouvrages ourartéennes mis au jour par des chercheurs de trésors a Aznavur, Türk Tarih Kurumu Belleten, 4. XXV, № 98։

³⁵ Б. Б. Пиотровский, Искусство Урарту, Ленинград, 1962, նկ. 56։

³⁶ Նույն տեղում, նկ. 56։

³⁷ Նույն տեղում, նկ. 5, Ինչպես նաև Նույնի История и культура Урарту, Ереван, 1944, էջ 158։



Նկ. 3

սիք կարելի էր հանդիպել Քսենոֆոնի օրոք հարավային Հայաստանի գյուղերում կամ Պոնտոսի լեռներում՝ մոսինիկների բնակավայրերում («Անաբազիս» գիրք IV, 4, 2, գիրք V, 5, 25)։

Զարգացման մի ուրիշ գիծ, որը շեշտը դնում է անկյունային ելուստների կոնստրուկտիվ նշանակության վրա, տանում է դեպի Կարմիր-բլուրի բազալտե աշտարակները, եթե դրանք համարենք իրապես երկրորդ հարկը կրող մույթեր։ Վերջապես, եթե հաստատվի, որ Ալթրն-թեփեի տաճարը շրջապատող սյունաշարքը անմիջականորեն չի վերաբերում նրան, ապա հանձին այդ և նման տաճարների՝ կունենանք աշտարակաձև շինությունների պաշտամունքային տարրերակը։

Երկրորդ դեպքերում նման տիպի շինությունների մեծ տարածումը ուրարտական ճարտարապետության մեջ՝ մի կողմից և նրանց հատակագծային աորնչությունները իրանական հուշարձանների հետ՝ մյուս կողմից, ընդգծում են գրանց նշանակությունը վերջինների ուսումնասիրման գործում։ Հետաքրքիր է նշել, որ նման հուշարձանների նշանակությունը չի սպառվում միայն Ուրարտուով և Իրանով։ Հայկական ՍՍՄ ԳԱ հնագիտության և արվեստի ինստիտուտների արշավախումբը (ղեկ. պրոֆ. Բ. Ն. Առաքելյան) 1961 թ. ամռանը հին Հայաստանի մայրաքաղաք Երվանդաշատի տերիտորիայում հանդիպեց մի շենքի, որի հատակագիծը հիշեցնում է վերոհիշյալները և, հետևաբար, դրսևորում մշակութային հետաքրքիր կապեր մի կողմից՝ Հայաստանի և Ուրարտուի, մյուս կողմից՝ Հայաստանի և Իրանի միջև։




Fig. 3, 4



Figures 1



Ինչպես մատնանշվեց վերևում, միայն հատակագծային առանձնահատկություններով չէ, որ Պասարգադայի և Նակշ-ի-ռուստեմի աշտարակները կապվում են ուրարտական ճարտարապետության հետ: Մերձեցման եզրեր կարելի է տեսնել նաև այլ հատկանիշների մեջ: Այսպես, օրինակ, իրանական այս հուշարձանների եռահարկ տեսքը իր հաստատումն է գտնում նախ և առաջ ուրարտական նյութի մեջ: Անցյալ դարի երկրորդ կեսում Վանի շրջակայքում գտնվող ուրարտական կենտրոնի՝ Թոփրախ-կալեի պեղումները ի հայտ բերեցին երկու բրոնզե թերթիկներ ուղազրավ շենքերի փորագրված նկարներով³⁸, Այս մոգելները, որոնք հետաքրքիր մանրամասնություններ են հաղորդում ուրարտական ճարտարապետության ձևերի մասին, պատկերում են եռահարկ տուն և այսպիսով որոշակի հետաքրքրություն են ներկայացնում իրենց ձևի մեջ եզակի իրանական աշտարակների ուսումնասիրման համար³⁹ (նկ. 3, 2):

Ուրարտական բազմահարկ շենքերի մասին ոչ պակաս կարևոր վկայություն է հաղորդում Մ. Խորենացին: Վանի շենքերի նրա նկարագրությունը հնագիտական գյուտերի կապակցությամբ լիովին պահպանում է իր արժանահավատությունը: Նկարագրելով Շամիրամի շինարարական գործունեությունը Վանում, Խորենացին նշում է. «Շինէ և ընտիր ընտիրս և բազումս ի մէջ քաղաքին ապարանս ի պէս պէս քարանց և ի գունից զարգարեալս, կրկնայարկս և եռայարկս» (գիրք Ա, ԺԶ):

Աշտարակների հարթ ծածկը, նրա տակի գերանների վերջավորությունները պատկերող ատամնաշարը նույնպես իր հաստատումն է գտնում ուրարտական բազմաթիվ և բազմատեսակ նյութերում: Կարմիր-բլուրի պեղումները ցույց են տալիս, որ սենյակների ծածկը հարթ էր և կազմված էր հողածածկ գերաններից: Պեղումների ընթացքում հաճախ հանգիպում են ընկած, վառված գերաններ⁴⁰:

Թոփրախ-կալեում, տաճարի ավերակներից ոչ հեռու, գերմանական արշավախումբը հայտնաբերեց ստորերկրյա մի սենյակ, որտեղ ընդօրինակված էր գերանների օգնությամբ ստեղծված ուրարտական հարթ ծածկը⁴¹:

Ասորեստանի Սարգոն II թագավորի տեքստերից իմանում ենք, որ Ուլխու քաղաքում Ռուսա I-ի պալատի առաստաղը ծածկված էր նոճենու բուրումնավետ գերաններով, և ասորեստանյան զինվորները, պալատը թալանելիս, չզրլացան պոկել այդ գերանները և տանել Ասորեստան⁴²:

Վերջապես, Բրիտանական թանգարանում պահվող մեզ հայտնի բրոնզե թերթիկի, ըստ երևույթին նաև Բեռլինի թանգարանում պահվող նույնանման թերթիկի վրա վերարտագրված շենքի ծածկը ևս հարթ տեսք ունի, ընդ որում, ուսումնասիրողների կարծիքով պատկերված են նաև քառանկյունի կտրվածք ունեցող գերանների վերջավորությունները⁴³: Այսպիսի ծածկ նշմարելի է նաև

³⁸ Б. Б. Пиотровский, Искусство Урарту, Ленинград, 1962, н.к. 36 և էջ 17:

³⁹ E. Herzfeld, նշվ. աշխ., էջ 35:

⁴⁰ К. Л. Оганесян, Архитектура Тейшебаини (Кармир-блур, IV), Ереван, 1955, էջ 80, 90:

⁴¹ Б. Б. Пиотровский, История и культура Урарту, Ереван, 1944, էջ 150, 258:

⁴² Նույն տեղում, էջ 258:

⁴³ E. Herzfeld, նշվ. աշխ., էջ 35: Այդպես են պատկերված այդ վերջավորությունները դժագրքի վրա (օր. Б. Б. Пиотровский, Искусство Урарту, н.к. 36), բայց իրականում նրանք կլոր կտրվածք ունեն (E. Akurgal, Die Kunst Anatoliens von Homer bis Alexander, München, 1962, н.к. 5):

Բրիտանական թանգարանում նույն թերթիկի հետ պահվող ուրարտական աշտարակի բրոնզե մոդելի վրա, ինչպես նաև Հայաստանի պատմական թանգարանում պահվող ուրարտական աշտարակի ոսկրե մոդելի վրա: Աշտարակի բրոնզե մոդելի գերանների վերջավորությունները նույնպես պատկերված են կլոր կտրվածքով:

Հատկանշական են այն նմանությունները, որոնք վերաբերում են իրանական աշտարակաձև շենքերի արտաքինի մշակմանը: Կաբա-ի-գարդուշտի երկշրջանակ պատուհանները հարուստ նման են վերևում հիշատակված շենքերի մոդելների պատուհաններին, ինչպես նաև վերջերս Ադլցեվազում հայտնաբերված բարի վրա փորագրված ամրոցի մոդելի պատուհաններին⁴⁴:

Մի առանձնահատկությամբ ևս աշտարակաձև շենքերը հիշեցնում են ուրարտական ճարտարապետության շինարարական սկզբունքները: Երկու աշտարակներում էլ կառուցողները ձգտել են տարբեր դույնի բարերով ստեղծել դույնների հակադրություն: Եթե պատերը բաց ղեղնավուն բարերից են շարված, ապա պատուհանները, որոնք, ի դեպ, խուլ են, շրջանակներով հանդերձ մուգ, սև դույնի բարից են: Այս սկզբունքը բոլոր երևույթին բավական լայն տարածում է գտել արևմենյան ճարտարապետության մեջ: Արևմենյանների հնագույն մայրաքաղաքում՝ Պասարգադայում կարելի է հանդիպել բազմաթիվ շենքերի, որոնք կառուցված են տարբեր դույնի բարերի համադրությամբ⁴⁵: Բազմադույնության ձգտումը ճարտարապետության մեջ հատկապես բնորոշ է ուրարտացիներին: Շամիրամի վերաբերյալ խորհնացուց վերը բերված հատվածից արդեն կարելի է կռահել այդ մասին: Այդ տեղեկությունը առարկայական հաստատում գտավ անցյալ դարում, երբ Թուրախ-կալում բացվեցին ուրարտական տաճարի մնացորդները: Նրա պատերը շարված էին շախմատաձև դասավորված տարբեր դույնի՝ բաց և մուգ մոխրագույն, լավ մշակված բարերից⁴⁶: Եթե սրան ավելացնենք ուրարտական շենքերի նաև ներքին տարածությունների, պատերի և հատկապես հատակների, տարբեր դույնի բարերով հարդարված լինելու փաստը, ապա կհամոզվենք, որ դույնի հարցը ուրարտական ճարտարապետության մեջ ուներ մեծ նշանակություն, որը փոխանցվեց նաև իրանացիներին:

Ուրարտա-իրանական մերձեցման եզրեր կարելի է հայտնաբերել նաև կրոնա-պաշտամունքային թեմաներ արտացոլող կոմպոզիցիաներում և պատկերագրական սխեմաներում:

Անցյալ դարում Թուրախ-կալի գինու պահեստի կարասներից մեկում գտնվեց ոսկե մի մեղալիոն՝ դահի վրա նստած կնոջ և նրա դիմացը կանգնած մեկ ուրիշ կնոջ փորագրված պատկերներով (նկ. 3, 5): Երկու անձնավորություններն էլ ունեն նախշերով պատած շքեղ զգեստներ: Նստած կինը ձեռքում բռնել է մի ճյուղ, կանգնածը ձեռքերը պարզել է: Լ'ստ ոմանց՝ մեղալիոնի վրա ներկայացված ևն ուրարտական թագուհին և նրա սպասուհին, սակայն ընդունելի է դարձել այն կարծիքը, ըստ որի՝ նստած կինը պտղաբերության ուրար-

⁴⁴ C. A. Burney and G. R. Y. Lawson, Urartian reliefs at Adilcevaz on lake Van, Anatolian Studies, VIII, 1958, տախտակ XXXV, նկ. 3:

⁴⁵ E. Schmidt, նշմ. աշխ., էջ 22, 23:

⁴⁶ Б. Б. Пиотровский, Искусство Урарту, Ленинград, 1962, էջ 98:

տական աստվածուհին է՝ Խալդ աստծո ամուսին Արուրանին, որին երկրպագում է ուրարտական թագուհին⁴⁷:

Երկրպագության կամ զոհաբերության նման սխեման չի սահմանափակվում այս օրինակով: Մի շարք գյուտեր, հատկապես Կարմիր-բլուրից, էլ ավելի ընդլայնեցին մեր գիտելիքները ուրարտական արվեստում տարածում գտած այս կոմպոզիցիայի և նրա բովանդակության մասին⁴⁸: Հատկանշական է, որ ուրարտական արվեստի այս թեման, պատկերազրական նույն առանձնահատկություններով, հանդիպում է իրանական՝ արեմենյան ժամանակաշրջանի կնիքի վրա⁴⁹ (նկ. 3, 6): Այստեղ ևս ներկայացված է նույն նստած աստվածուհին, դիմացը կանգնած կնոջ պատկերով: Մի քիչ հեռու կանգնած է մի երրորդ անձնավորություն, որը, ի դեպ, իր զլխանոցի առանձնահատկություններով (նա կրում է արեմենյան ատամնավոր թագ) հաստատում է կնիքի ճիշտ թվագրումը:

Ուշագրավ և կարևոր է այն հանգամանքը, որ ուրարտա-իրանական աղերսները ընդգրկում են նաև նյութական մշակույթի այնպիսի բնագավառներ, ինչպիսիք են մետաղագործությունը և խեցագործությունը: Այս տեսակետից հետաքրքիր են Կարմիր-բլուրի և Արին-բերդի ուրարտական հուշարձանների տվյալները: Տարիների ընթացքում, հատկապես Կարմիր-բլուրի պեղումների շնորհիվ, կուտակվել է հարուստ նյութ, որի ուսումնասիրությունը կարող է անսպասելի արդյունքներ տալ մեզ հետաքրքրող թեմայի համար ևս: Կարմիր-բլուրից է գալիս (1951 թ. պեղումներ) բրոնզե խոր մի թաս, ուռուցիկ իրանով և թեք, թեթևակի դեպի դուրս լայնացող պլակով (Հայաստանի պետական պատմական թանգարան, № 2010 115): Անոթի ուսերի վրա հորիզոնական, իրար նկատմամբ զուգահեռ կողավոր գոտիներ են զրվագված, որոնք հազիվ են նշմարվում լուսանկարում (տխտ. 1, 1): Այս առարկան, որը հին արևելյան ընդգծված կերպար ունի, գուցե շարժանանար մեր ուշագրությանը, եթե չհաստատվեր նրա ակնառու նմանությունը իրանական նյութի հետ: Պերսեպոլիսի Դարեհ I և Քսերքսես I թագավորների սյունազարդ ընդունասրահի, ապագանայի մուտքի հանրահայտ բարձրաքանդակների վրա ամենայն մանրամասնությամբ և ճշտությամբ վերարտադրված են բազմաթիվ և բազմատեսակ անոթներ, որոնցից երկուսի նմանությունը ուրարտական վերոհիշյալ անոթի հետ կասկած չի թողնում⁵⁰: Պատկերված թասերը ունեն նույն ուռուցիկ, կլորացող իրանները և բարձր թեք պսակները (տխտ. 1, 2): Մի անոթի իրանը լրիվ հարթ է, երկրորդինը՝ զրվագված կողավոր գոտիներով: Պսակների հիմքում ուլունքաշար է պատկերված, իսկ ինքը՝ պսակը պատած է ուղղահայաց թերթիկների շարքով: Նշված զարդերը, որոնք հատուկ են արեմենյան ժամանակաշրջանին, ամենևին ստվեր չեն գցում Կարմիր-բլուրի և Պերսեպոլիսի այս անոթների

⁴⁷ Նույն տեղում, նկ. 48:

⁴⁸ Նույն տեղում, նկ. 49, 30:

⁴⁹ Б. Б. Пиотровский, Урартская бронзовая статуэтка Гос. Музея Армении, «Советская Археология», VI, 1940, էջ 91: Г. А. Тиран, Опыт периодизации материальной культуры древней Армении (VI в. до н. э.—III в. н. э.), *ՀՍՍՐ ԴԱ «Տեղեկագիր»* (հաս. գիտ.), 1957, № 2, էջ 86: Н. М. Посева, Некоторые урартские ювелирные изделия с изображением ритуальных сцен. «Древний Мир». Сборник статей в честь акад. В. В. Струве, Москва, 1962, էջ 308 և հտ.:

⁵⁰ E. Schmidt, *նշվ. աշխ.*, տախտակ 41 В:

տիպարանական-ազգակցական կապի վրա, այլ ընդգծում են նրանց ժամանակագրական տարբերությունը:

Ուրարտական մի այլ անոթ՝ բրոնզից, գնդաձև իրանով և բարձր, դեպի գուրս ծովող պսակով (տխտ. I, 3), նույնպես Կարմիր-բլուրից է (1956, Հայաստանի պետական պատմական թանգարան): Մեր կարծիքով այս օրինակի համար ևս կարելի է մատչելի զուգահեռներ գտնել աքեմենյան ժամանակաշրջանից:

Ախալգորիի մ. թ. ա. V դարով թվագրվող գանձի հարուստ նյութերի կազմում կա մի արծաթե անոթ, որը (թեպետ և վնասված է) իր ընդհանուր ձևով հիշեցնում է վերը նկարագրված օրինակը⁵¹ (տխտ. I, 4): Երկու անոթները նման են նաև պսակի հիմքում տեղադրված գոտիի առկայությամբ. Կարմիր-բլուրինը՝ պարզ, ռելեֆ, Ախալգորիինը՝ ժամանակի ոգուն համապատասխան, ուլունքաշարից կազմված: Աքեմենյան շրջանի մյուս անոթը, որը նման է Նախորդին, փորագրված է Օքսուսի կամ Ամու-Դարիայի VI—IV դարերով թվագրվող գանձի մետաղյա մի թերթիկի վրա պատկերված պարսիկ ազնվականի ձևերում⁵² (տխտ. I, 5):

Ուրարտական մետաղագործության բնորոշ և հետաքրքիր մի խումբ պետք է համարել լայն թասերը, այսպես կոչված փալաները, որոնց թիվը մի քանի անգամ կրկնապատկվել է Կարմիր-բլուրի պեղումների շնորհիվ: Պետք է նշել նրանց բազմազանությունը ինչպես զարդերի, այնպես էլ պատրաստման եղանակի տեսակետից: Արին-բերդի պեղումներից հայտնաբերվել են նաև կավից պատրաստված այդպիսի թասերի բեկորներ:

Այս պայմաններում բավականին օրինաչափ է նրանց համեմատումը իրանական նմանօրինակ առարկաների հետ: Այդ աշխատանքը կատարելիս, սակայն, չի կարելի չխոսել Ասորեստանի շոշափելի ազդեցության մասին իրանական փալագործության վրա, թեև մի քանի աշխատություններում այս ազդեցության նշանակությունը չափից դուրս գերազնահատվում է⁵³:

Հնագիտական պեղումները բացահայտեցին ուրարտական մետաղագործության ծաղկման մի պատկեր, որը լրիվ համընկավ գրավոր աղբյուրների տվյալների հետ: Ասորեստանի թագավոր Սարգոն II-ի կողմից Մուսասիրի նվաճման, ավերման և թալանի նկարագրությունից երևում է, թե մետաղագործության ինչ նշանակալից օջախ էր Հայկական լեռնաշխարհի հարավ-արևելյան այս անկյունը: Այդ մասին են վկայում Մուսասիրից Ասորեստան տարված նյութերի և առարկաների վերաբերյալ տվյալները: Սարգոնը Ասորեստան է տեղափոխել երկու տոննա ոսկի, 10 տոննա արծաթ, 100 տոննա պղինձ, մեծ քանակությամբ երկաթ, ապա բազմաթիվ, ավելի քան հարյուր անուն առարկաներ, որոնք հիշատակվում են տեքստում, ընդամենը 333.500 առարկա: Հականե հանվանե հիշատակվում են մի քանի տեսակ թասեր, այդ թվում՝ 396 ծանր ու թեթև արծաթե թասեր՝ Ասորեստանի, Ուրարտուի և Խաբիսի արտադրանքը⁵⁴, ինչպես արդեն ասացինք, այս պատկերը հաստատվում է հնագիտորեն, Թոփրախ-կալեի և առավելապես Կարմիր-բլուրի նյութերով: 1949 թ.

⁵¹ Я. И. Смирнов, Ахалгорийский клад, Тбилиси, 1934. տախտակ XII, № 66.

⁵² O. M. Dalton, Treasure of the Oxus, 2nd ed., 1926, տախտակ XV, № 69

⁵³ St'w H. Lushey, Die Phiale, Bleicherode am Harz, 1939.

⁵⁴ Б. Б. Пиотровский, Искусство Урарту, Ленинград, 1962, էջ 36—37:

Վարմիր-բլուրում պեղված կարասային դահլիճում հայտնաբերվեցին IX—VIII դարերի 96 բրոնզե թասեր⁵⁵:

Հին արևելյան թաս-ֆիալաները դասակարգված են ամենայն մանրամասնությամբ⁵⁶: Ուրարտա-իրանական կապերի համար հետաքրքրություն են ներկայացնում մի քանի խմբեր.

Վեմ հանդիման տեղադրված Ելուստներով քասեր.—Հայտնի են ուրարտական երկու այդպիսի թաս Կարմիր-բլուրից: Այս տիպը արեմենյան ժամանակաշրջանում շատ տարածված մի տեսակ էր: Քանի որ ասորեստանյան օրինակները ավելի վաղ շրջանի են և առայժմ ավելի բազմաթիվ⁵⁷, չի կարելի որևէ վճռական դեր վերադրել ուրարտական նմուշներին՝ իրանական նմանօրինակ թասերի ձևավորման գործում:

Լեզվաձև զարդերով քասեր.—Այս տիպի մի մեծ անոթ, հիերոգլիֆ նշաններով, հայտնի է Խոփրախ-կալեից. անցյալում այս եզակի օրինակով է վիճարկվել ասսուրական թասերի նշանակությունը տվյալ ձևի մշակման գործում⁵⁸: Կարմիր-բլուրի պեղումները ուրարտական նման թասերի ընդհանուր թիվը հասցրին 3-ի, չհաշված քարե կլոր տուփը, որի հատակը մշակված է նման երկարավուն լեզվաձև զարդերով. բայց այդ էլ բավարար չէ իրանական նյութը ուրարտականից բխեցնելու համար:

Տերևաձև զարդերով քասեր.—Ի տարբերություն նախորդների, այս խմբի թասերը, որպես կանոն, մշակված են փորագրությամբ (գրավիրովկայով) և թեթևակիորեն դրվագված են: Ասորեստանում այս տիպի թասեր չեն հանդիպում, մինչդեռ արեմենյան ժամանակաշրջանում դրանք մեծ տարածում էին գտել:

Կարմիր-բլուրի ֆիալաների շարքում կարելի է առանձնացնել մի նշանակալից խումբ, որի տերևաձև և պսակաձև զարդերը փորագրված են և թեթևակիորեն դրվագված օր. Հայաստանի պետական պատմական թանգարան, № 2010 (166), (տխտ. II, 3): Ժամանակակից նմանօրինակ թաս կարելի է հանդիպել Ուրարտուին անմիջականորեն հարևան տերիտորիայում (Զենջիրլի)⁵⁹. Թասերի այս խումբը կարող է նշանակալից ազդեցություն ունեցած լինել արեմենյան ժամանակաշրջանի իրանական մի քանի որոշակի օրինակների վրա: Այս խմբին հատկապես մոտ է կանգնած թվում Շոշ քաղաքում հայտնաբերված մ. թ. ա. IV դարի երկրորդ կեսով թվագրվող թասը՝ սրածայր տերևներով կամ պսակաթերթերով⁶⁰ (տխտ. II, 4):

Արեմենյան Պարսկաստանի մետաղագործությանը հայտնի է արծաթե կամ բրոնզե անոթի մի տիպ, երկարավուն, դեպի վեր լայնացող իրանով, որը ընդգծված ուսեր կազմելու եղանակով շեշտակի անցում է կատարում դեպի չափազանց բարձր, թեթևակիորեն լայնացող պսակը (տխտ. II, 2): Այս անոթների բնորոշ կողմը նրանց կենդանակերպ կանթերն են: Նմանօրինակ երեք անոթներ պատկերված են Պերսեպոլիսի բարձրաքանդակներում՝ սիրիացիների:

⁵⁵ Б. Б. Пиотровский, Кармир-блур, II, Ереван, 1962, էջ. 54 և հտ.:

⁵⁶ H. Lusche, աշգ. աշխ.:

⁵⁷ Նույն տեղում, էջ 41 և հտ.:

⁵⁸ Նույն տեղում, էջ 81:

⁵⁹ Նույն տեղում, նկ. 32:

⁶⁰ J. de Morgan, Mémoires de la Delegation en Perse, VII, 1905, տախտակ III:

արմենների և մարերի ձեռքում⁶¹ և ժամանակագրական հաստատուն կռվաններ են տալիս, քանի որ վերոհիշյալ բարձրաքանդակների պատրաստման ժամանակը որոշվում է մ. թ. ա. V դարի առաջին կեսով: Այդպիսի անոթներ գտնվել են Առաջավոր Ասիայի և Բալկանյան թերակղզու տարբեր վայրերից՝ սիստեմատիկ պեղումների ընթացքում կամ պատահական գյուտերի շնորհիվ⁶²:

Աքեմենյան մետաղագործության այս կուռ խմբի ծագումը, անշուշտ, որոշակի հետաքրքրություն է ներկայացնում: Որոշ մանրամասնություններով նրանք կապվում են վաղ, Թեփե-Սիալկի ձևերի կամ ասսուրական խեցագործության նմուշների հետ⁶³: Մեզ թվում է, որ այս հարցում ևս չի կարելի անցնել ուրարտական ժառանգության կողքով:

Արին-բերդում գտնվել է բավական մեծ շափերի երկկանթանի կավե մի անոթ, կանթերի վրա դեպի վեր ցցվող փշիկներով (Հայաստանի պետական պատմական թանգարան⁶⁴ (տխտ. II, 1): Ընդհանուր գծերով անոթը ցածրանիստ է ու լայն, բայց մոտիկից նայելիս տիպական որոշակի կապ կարելի է հաստատել իրանական վերոհիշյալ օրինակների հետ: Այս անոթը միայնակ չէ: Արին-բերդում գտնվել են վերոհիշյալ կանթերի բազմաթիվ նմուշներ, մի հանգամանք, որն, իհարկե, խոսում է այդպիսի անոթների լայն տարածման մասին:

Արին-բերդում գտնված անոթի ուրարտական ծագումը բավականին որոշակի է թվում, դատելով կավի բաղադրությունից և փայլեցրած արտաքինից: Դեռ ավելին՝ անոթի իրանի վրայի եռանկյունիներից կազմված երկու գոտիներն իրենց զուգահեռներն ունեն էրմիտաժում պահվող՝ Թոփրախ-կալեից ակադ. ն. Մառի և ակադ. Հ. Օրբելու կողմից բերված ուրարտական մի բեկորի նման զարդերում: Իր ընդհանուր ձևով այն հիշեցնում է Կարմիր-բլուրի միջնաբերդից պեղված կարմիր, փայլեցրած երկկանթանի անոթը (Հայաստանի պատմական թանգարան. ցուցասրահ): Ինչ վերաբերում է կանթերի ձևերին, ապա որոշ նմանություն կարելի է գտնել Հյուսիսային Կովկասում, Անդրկովկասում և Ուրարտություն հանդես եկող բրոնզե անոթների կենդանակերպ ոճավորված կանթերի հետ, մանավանդ որ ուրարտական կավանոթների վերոհիշյալ կանթերը նույնպես կենդանակերպ են երևում, բայց ծայրահեղորեն ոճավորված⁶⁵: Վերջապես, Արին-բերդի տիպի անոթ, ավելի սլացիկ և հետևապես շատ մոտ իրանական օրինակներին, գտնվել է Կարմիր-բլուրի քաղաքային թաղամասում. այն վերաբերում է ուրարտական ժամանակաշրջանին⁶⁶:

Ուրարտա-իրանական կապերի մասին մեր գիտելիքները, անշուշտ, կհարսաանան նորանոր տվյալներով. կարևորն այն է, սակայն, որ այդ կապերը ռեալ պատմական հիմքերի վրա են մնում: Նոր տվյալներ են երևան եկել, որոնք լուսաբանում են իրանական ցեղերի հնագույն պատմությունը ուրարտական պետության անմիջական հարևանության պայմաններում:

⁶¹ E. Schmidt, Persepolis. I, 1953, աթաղ 27 B., 29 B., 32 B.

⁶² P. Amandry, Torréutique achéménide, Die Antike Kunst, № 2, 1959.

⁶³ Նույն տեղում, էջ 38—39 և R. Ghirshman, Fouilles de Stalk, 4. II, Paris, 1939, տախտակ IV, № 1 և 2.

⁶⁴ Մ. Իսրայելյանի տեղամասից:

⁶⁵ Б. Б. Пиотровский, История и культура Урарту, Ереван, 1944, էջ 321—323, նկ. 103—107:

⁶⁶ Հ. Մարտիրոսյանի պեղումներից:

Մի քանի տարի առաջ ուսումնասիրողների շրջաններում տիրում էր այն կարծիքը, թե իրանի հյուսիս-արևմտյան մասում իրանական ցեղերը հանդես են եկել բավականին ուշ, մ. թ. ա. VIII դարից սկսած, այն էլ սկզբում միայն Մարաստանի արևելյան շրջաններում⁶⁷։ Սակայն սեպագիր նյութերից քաղված անձնանունների և, որը հատկապես կարևոր է, տեղանունների վերլուծությունը ցույց տվեց, որ IX դարի առաջին կեսից սկսած այդ ցեղերը վկայակոչվում են իրանական «արահարթի հյուսիս-արևմտյան մասերում, ավելի կոնկրետ՝ Ուրմիո լճի շրջակայքում, ներառյալ հյուսիսային և արևմտյան շրջանները, իսկ երբեմն նույնիսկ Հայկական լեռնաշխարհի որոշ հատվածներում⁶⁸։ Այստեղից է, որ իրանական ցեղերից մարականները շարժվեցին դեպի արևելք, դեպի բուն Մարաստան, իսկ պարսկականները՝ դեպի հարավ, Ֆարս կամ Պարսք նահանգը։ Այս հանգամանքը զգալի չափով փոխում է մեր պատկերացումները ուրարտա-իրանական շփման կետերի ժամանակագրական և տեղիտեղիալ հատկանիշների վերաբերյալ, որոնք փոխադարձաբար հաստատվում են նյութական մշակույթի մասին վերևում հիշատակված դիտողություններով։

УРАРТСКАЯ ЦИВИЛИЗАЦИЯ И АХЕМЕНИДСКИЙ ИРАН

Г. А. ТИРАЦЯН

(Р е з ю м е)

Культурно-исторические связи государства Урарту с Ахеменидским Ираном уже давно привлекают внимание исследователей древнего Востока. За прошедшее время был сделан ряд важных и интересных наблюдений, способствующих выявлению роли Урарту в формировании древнеиранской культуры ахеменидского времени (Э. Херцфелд, Р. Гиршман, Р. Барнетт, Б. Пиотровский, К. Оганесян и др.).

Археологические раскопки урартских центров на территории Советской Армении, в частности Кармир-блур и Арин-берда, значительно расширяют возможности для всестороннего изучения данного вопроса. Точки соприкосновения урартской архитектуры с ахеменидской устанавливаются довольно наглядно в наскальных сооружениях, искусственных террасах, платформах и в строительной технике. Раскопки последних лет в городской части Кармир-блур, а также в Алтын-тепе (около Ерзнкяна) подтвердили высказанное ранее исследователями предположение о возможном влиянии урартской архитектуры на становление колонных залов Ахеменидского Ирана. Дальнейшее изучение урартских памятников выявило неожиданные возможности для более обоснованного объяснения происхождения башнеобразных сооружений (Накш-и-

⁶⁷ Г. М. Меликишвили, Наири-Урарту, Тбилиси, 1954, էջ 140—145, 398; И. М. Дьяконов, История Мидии, М.—Л., 1956, էջ 130—131, 198 և այլն։

⁶⁸ Э. А. Грантовский, Иранские имена из приурмийского района в IX—VIII вв. до н. э. «Древний мир». Сборник статей в честь акад. В. В. Струве. М., 1962, էջ 250—263։

Рустем, Пасаргады, возможно — Нурабад), занимающих довольно обособленное место в древнеиранской архитектуре. Урартская архитектура знакома с целым рядом башнеобразных сооружений разного назначения, культовыми (Алтын-тепе), возможно жилыми (бронзовая модель из Топрах-кале и костяная модель из Кармир-блур), строительными (Кармир-блур), не считая башен, входящих в систему оборонительных стен.

Характерные параллели между урартскими памятниками и упомянутыми иранскими сооружениями имеют весьма широкий охват, как-то: план с угловыми выступами, многоэтажность, обработка окон, разноцветность примененного в кладке камня и т. д.

Несомненно, весьма важно то обстоятельство, что урартско-иранские связи не исчерпываются архитектурой; они затрагивают иконографические вопросы и охватывают такие характерные отрасли материальной культуры двух стран, какими являются керамика и торевтика. Раскопки Кармир-блур познакомили нас с ранее неизвестными страницами урартской торевтики. Особое место занимает разнообразная бронзовая посуда, среди которой имеются образцы, явно перекликающиеся с соответствующими иранскими предметами. Глубокая чаша с косым венчиком выявляет большое сходство с некоторыми сосудами на персепольских рельефах. Сосуд с выпуклым, почти шаровидным туловом и высоким расширяющимся венчиком имеет свои параллели среди посуды Ахалгорийского кладки, а также на пластинке из Амударьинского клада.

Богатая коллекция урартских чаш-фиал из Кармир-блур также дает возможность установить некоторую связь с ахеменидским соответствующим материалом. Это касается кармир-блурских фиал с выгравированным в основном орнаментом из остроконечных лепестков, напоминающим орнамент чаши IV в. до н. э. из Суз.

Важное место в иранской художественной торевтике занимают вазообразные вытянутые сосуды с зооморфными ручками. Они представлены также на персепольских рельефах. Происхождение этих сосудов не совсем ясно. Отдельными чертами они несомненно перекликаются с ассирийским или же иранским, ахеменидским материалом, но раскопки на Арин-берде и Кармир-блуре указывают и на урартскую керамику, как на один из возможных истоков возникновения данного типа.

Данные материальной культуры наряду с лингвистическими показывают, насколько реальны исторические связи Урарту и Ирана.